



REPUBLIKA E SHQIPËRISË
KOMISIONI I PROKURIMIT PUBLIK

Nr.3125/ 5 prot.

Datë 20.11.2025

V E N D I M

Nr. 1736/2025

Komisioni i Prokurimit Publik, i përbërë nga:

Fiorent Zguro	Nënkryetar
Kreshnik Ternova	Anëtar
Anila Malaj	Anëtar
Gjergj Mersini	Anëtar

Në mbledhjen e datës 20.11.2025 me:

Objekt:

Mbi verifikimin e dokumentacionit kualifikues, në mbështetje të vetëdeklarimeve të paraqitura nga operatori ekonomik “Korsel” SHPK në procedurën e prokurimit “Procedurë e hapur, mbi kufirin e lartë monetar”, me Nr. REF-58215-08-15-2025, me objekt “Shërbimi i pastrimit të njësisë Orikum”, me fond limit 27,910,435 (njëzet e shtatë milion e nëntëqind e dhjetë mijë e katërqind e tridhjetë e pesë) lekë pa TVSH ose 287,085.32 (dyqind e tetëdhjetë e shtatë mijë e tetëdhjetë e pesë pikë tridhjetë e dy) euro pa TVSH, sipas kursit zyrtar të Bankës së Shqipërisë datë 15.08.2025 ku 1 Euro këmbëhet me 97.22 lekë, zhvilluar me datë 22.09.2025 nga autoriteti kontraktor, Bashkia Vlorë.

Subjekte të Interesuara:

Operatori ekonomik “Rej” SHPK me NIPT J93711608Q me adresë: Rruga “Dritan Hoxha”, Ngjitur me Shkollen Ahmet Gashi, Kulla Jeshile, Nr. Pasuri 8/374 /ND+3-6, H, Tiranë.

Bashkia Vlorë.

Adresa: Sheshi “4 Heronjtë”, Rruga “Osman Haxhiu”, Vlorë.

Operatori ekonomik “Korsel” SHPK
Adresa: Lagjja 17, Rruga “Midhi Kostani”, Pranë
Hipotekës, Objekti Nr. 23, Korçë.

Baza Ligjore:

Ligji nr. 162/2020 “Për Prokurimin Publik”, Vendimi i Këshillit të Ministrave nr. 285, datë 19.05.2021 “Për miratimin e rregullave të prokurimit publik”, i ndryshuar, Vendimi i Komisionit të Prokurimit Publik Nr. 766/2021, datë 13.10.2021 “Për miratimin e rregullave për organizimin dhe funksionimin e Komisionit të Prokurimit Publik”, Neni 4, i Vendimit të Komisionit të Prokurimit Publik nr. 500/2020 datë 5.11.2020 “Rregullore për Marrjen e Masave Organizative për Ushtrimin e Veprimtarisë së Institucionit të Komisionit të Prokurimit Publik gjatë gjendjes së pandemisë së shkaktuar nga COVID - 19”.

Komisioni i Prokurimit Publik, pasi shqyrtoi informacionin e paraqitur,

V ë r e n:

I

I.1. Në datën 18.08.2025 në Sistemin e Prokurimeve Elektronike është publikuar procedura e prokurimit “Procedurë e hapur, mbi kufirin e lartë monetar”, me Nr. REF-58215-08-15-2025, me objekt “Shërbimi i pastrimit të njësisë Orikum”, me fond limit 27,910,435 (njëzet e shtatë milion e nëntëqind e dhjetë mijë e katërqind e tridhjetë e pesë) lekë pa TVSH ose 287,085.32 (dyqind e tetëdhjetë e shtatë mijë e tetëdhjetë e pesë pikë tridhjetë e dy) euro pa TVSH, sipas kursit zyrtar të Bankës së Shqipërisë datë 15.08.2025 ku 1 Euro këmbëhet me 97.22 lekë, zhvilluar me datë 22.09.2025 nga autoriteti kontraktor, Bashkia Vlorë.

I.2. Në datën 22.09.2025, autoriteti kontraktor ka zhvilluar procedurën e prokurimit objekt shqyrtimi.

I.3. Në datën 10.10.2025, autoriteti kontraktor ka njoftuar operatorët ekonomikë pjesëmarrës me anë të sistemit të prokurimeve elektronike (S.P.E.), mbi rezultatet e vlerësimit të Komisionit të Vlerësimit të Ofertave, të cilët kanë paraqitur ofertat ekonomike (pa TVSH), përkatësisht:

1. “Pastrime Silvio” SHPK	22,299,304.8 lekë	kualifikuar
2. “Korsel” SHPK	22,931,011.2 lekë	kualifikuar
3. “Rej” SHPK	22,949,485.12 lekë	kualifikuar
4. “Alko Impex Construction” SHPK	23,163,321.60 lekë	kualifikuar
5. “Silver” SHPK	23,365,368 lekë	kualifikuar
6. “Cara” SHPK	25,119,651.2 lekë	skualifikuar

I.4. Në datën 24.10.2025, autoriteti kontraktor ka publikuar në SPE “Publikimi i Njoftimit të Fituesit Paraprak” për procedurën e prokurimit objekt shqyrtimi.

I.5. Referuar materialeve të fashikullit të shqyrtimit administrativ rezulton, se në datën 03.11.2025 nëpërmjetë sistemit të ankesave elektronike pranë Komisionit të Prokurimit Publik dhe autoritetit kontraktor, është administruar ankesa me nr. Elektronik A/2025/6037, dhe nr. 3125/2025 prot, datë 03.11.2025 e operatorit ekonomik “Rej” SHPK ku konstatohet se objekti i saj lidhet me vendimmarrjen e Komisionit të Vlerësimit të Ofertave mbi kualifikimin e ofertave të paraqitura nga operatori ekonomik “Korsel” SHPK dhe operatori ekonomik “Pastrime Silvio” SHPK.

I.6. Në përputhje me nenin 112 “Veprimet paraprake” të Ligjit nr.162/2020 “Për Prokurimin Publik”, Komisioni i Prokurimit Publik me marrjen e ankesës, e publikoi atë në bazën e të dhënave të tij, e cila përmban të dhëna për: a) ankimuesin, adresën dhe NUIS-in; b) të dhëna të plota për procedurën e prokurimit (objekt, numër reference, fond limit, datën e zhvillimit të procedurës), si dhe publikoi formularin e publikimit nr. 3125/1 prot 04.11.2025 duke referuar kriteret të cilat operatori ekonomik “Rej” SHPK pretendon se nuk përmbushen nga i operatorët ekonomikë pjesëmarrës “Korsel” SHPK dhe “Pastrime Silvio” SHPK.

I.7. Me anë të shkrësës nr. 18441/2 prot., datë 07.11.2025, protokolluar pranë institucionit tonë me shkresën nr. 3125/2 prot., datë 10.11.2025, autoriteti kontraktor ka dorëzuar pranë Komisionit të Prokurimit Publik aktin e trajtimit të ankesës së operatorit ekonomik ankimues, nëpërmjetë së cilës është vendosur mospranimi i ankesës.

I.8. Me anë të shkrësës nr. 18441/2 prot., datë 07.11.2025, protokolluar pranë institucionit tonë me shkresën nr. 3125/3 prot., datë 13.11.2025, autoriteti kontraktor ka dorëzuar pranë Komisionit të Prokurimit Publik informacion, dokumentacion si dhe aktin e trajtimit të ankesës së operatorit ekonomik ankimues, në të cilën është vendosur mospranimi i ankesës.

Referuar informacionit dhe dokumentacionit sa më sipër, Komisioni i Prokurimit Publik

Arsyeton

II.1. Lidhur me pretendimet e operatorit ekonomik “Rej” SHPK mbi kundërshtimin e kualifikimit të operatorit ekonomik “Korsel” SHPK në procedurën e prokurimit objekt-ankimi për mospërmbushje të kriterëve të kualifikimit sipas formularit të publikimit nr. 3125/1 datë 04.11.2025, Komisioni i Prokurimit Publik vëren se,

II.2. Në dokumentet standarde të tenderit, Shtojca 9, gërma “e” dhe “c” të pikës 1 të “Kritereve të Përgjithshme të Përzgjedhjes/Kualifikimit”, autoriteti kontraktor ka përcaktuar si më poshtë vijon:

Ofertuesi deklaron se:

c) nuk është dënuar për ndonjë vepër penale, në përputhje me nenin 76/1 të LPP-së;.

e) ka paguar energjine elektrike dhe ploteson kërkesat që burojnë nga legjislacioni në fuqi. Ky informacion kërket për Operatorët Ekonomikë, të cilët operojnë në territorin e Republikës së Shqipërisë.

II.3. Në dokumentet standarde të tenderit, Shtojca 9/2, “Kriteret e Vecanta të Kualifikimit”, autoriteti kontraktor ka përcaktuar si më poshtë vijon:

Ofertuesi duhet të paraqesë:

a. Formularin Përmbledhës të Vetëdeklarimit, sipas Shtojcës 10.

Pikën 2.2.2 të DST “Kriteret e Vecanta të Kualifikimit”, “Kapaciteti ekonomik dhe financiar”.

2.2.2 Vërtetim lëshuar për shlyerjen e taksave dhe tarifave vendore të parashikuara nga Pushteti Vendor për vitin 2025, kudo ku operatori ushtron aktivitet, sipas regjistrimit në QKB, në përputhje me përcaktimet e ligjit nr. Nr.9632, datë 30.10.2006 “Për sistemin e taksave vendore”, i ndryshuar, lidhur me afatet e kryerjes së pagesave të caktuara nga njësitet e vetëqeverisjes vendore për vitin 2025.

(Në rastet e bashkimit të operatorëve ekonomik, çdo anëtar i grupit duhet të dorëzojë vërtetimin lëshuar nga Bashkia në të cilën është regjistruar sipas QKB-se).

Shënim: Kjo kërkesë përmbushet nëpërmjet paraqitjes nga operatorët ekonomikë të formularit përmbledhës të vetëdeklarimit, sipas shtojcës përkatëse të DST dhe dokumentacioni i kërkuar do të paraqitet nga ofertuesi i kualifikuar i pari përpara publikimit të njoftimit të fituesit dhe nisjes së afateve të ankimit.

“Përpara publikimit të njoftimit të fituesit dhe nisjes së afateve të ankimit, autoriteti/enti kontraktor i kërkon ofertuesit të kualifikuar, i pari dorëzimin e dokumenteve provuese të parashikuara në shkronjat “a”, “b”, “d”, “dh”, “e”, “h”, “i”, “j” të pikës 2 të këtij neni, si dhe dokumentet e tjera shoqëruese të ofertës, të dorëzuara në rrugë elektronike. Këto dokumente duhet të paraqiten në origjinal ose në kopje të njësuar me origjinalin”.

Pikën 2.3.3 të DST “Kriteret e Vecanta të Kualifikimit”, “Kapaciteti teknik”.

2.3.3 Operatori ekonomik pjesëmarrës për të realizuar shërbimin objekt prokurimi, duhet të disponojë punonjës të specializuar/të kualifikuar, si më poshtë:

Stafi	Nr.
Drejtues Teknik-Inxhinier Mjedis	1 (një)
Pergjegjes Shërbimi	1 (një)
Punonjes shërbimi(5 punëtor fshesë + 4 punonjes për transport mbeturinash)	9(nëntë)
Shofer për drejtimin e mjeteve të kërkuara	3 (tre)
Totali i punonjësve	14 (katërmëdhjetë)

Për punonjësit me profesionet e mësipërme, Operatori Ekonomik duhet të paraqesë:

➤ *Për Drejtuesin Teknik, **Inxhinier mjedisi***

OE duhet të paraqesë:

- *Diplomë me profesion **Menaxhim mjedisi***
- *Kontrate pune perkatese.*
- *Librezë pune*
- *CV*

➤ *Per Pergjegjes Shërbimi,*

OE duhet të paraqesë:

- *Kontrate pune perkatese.*
- *Librezë pune.*
- *CV.*

➤ *Per punonjes sherbimi (Punetor fshese & punonjes per transport mbeturinash)*

OE duhet të paraqesë:

- *Kontrate pune perkatese.*
- *Librezë pune.*

➤ *Per punonjësit Shofer të paraqitet*

OE duhet të paraqesë:

- *Kontrate pune perkatese.*
- *Leje drejtimi përkatëse nga DPSHTRR per mjetet objekt i kontrates, te cilat duhet te jene te vlefshme.*
- *Librezë pune.*

**Shenim: Kur mjetet disponohen me qera drejtuesit e mjeteve mund te disponohen së bashku me mjetet e mara me qera, pa pasur nevojë te jene te perfshire ne listpagesat e operatorit ekonomik ofertues.*

Keto kërkesa do të quhet e përmbushur gjatë fazës së ofertimit me plotësimin e formularit të vetëdeklarimit sipas shtojcës 10 të DST. Bazuar në përcaktimet e nenit 26, pika 6, të VKM – së Nr. 285, datë 19.05.2021, i ndryshuar “Përpara publikimit të njoftimit të fituesit dhe nisjes së afateve të ankimit, autoriteti/enti kontraktor i kërkon ofertuesit të kualifikuar i pari, dorëzimin e dokumenteve provuese të parashikuara në shkronjat “a”, “b”, “d”, “dh”, “e”, “h”, “i”, “j” të pikës 2 të këtij neni, si dhe dokumentet e tjera shoqëruese të ofertës, të dorëzuara në rrugë elektronike. Këto dokumente duhet të paraqiten në origjinal ose në kopje të njësuar me origjinalin”.

(Në rastin e Bashkimit të Operatorëve Ekonomik secili Operator duhet të disponojë personelin kryesor, drejtues teknik në licencën e shoqërisë të sipërcituar).

Pikën 2.3.5 të DST “Kriteret e Vecanta të Kualifikimit”, “Kapaciteti teknik”.

2.3.5. *Operatori ekonomik duhet të deklarojë se disponon, makinerite, dhe pajisjet, si më poshtë:*

Nr	Emri i mjetit	Njësia	Sasitë minimale	Statusi
1	Makine teknologjike transportuese, me ngarkim fundor, me kapacitet jo më të vogël se 15 m ³ ,	copë	1 (një)	Në pronësi ose me qira
2	Kamioncine transportuese e mbetjeve urbane, me kapacitet jo më pak se 3.5 ton,	cope	1 (nje)	Në pronësi ose me qira
3	Makinë teknologjike larëse (autobot) me kapacitet jo më pak se 17 m ³	Cope	1 (nje)	Në pronësi ose me qira
4	Makinë teknologjike për fshirjen e rrugëve, të pajisura me 2 fshesa anësore (majtas dhe djathtas) dhe një fshesë qendrore rrul, sistem thithës të pluhurave (aspirator) dhe sistem spërkatje me ujë gjatë punës, mundësisht me tub aspirimi të jashtëm thithës me kapacitet jo më pak se 5 m ³ .	copë	1 (një)	Në pronësi ose me qira

Operatori ekonomik duhet të paraqesë dëshmi për mjetet e pajisjet teknike, që ka në dispozicion apo mund ti vihen në dispozicion operatorit ekonomik, që nevojiten për ekzekutimin e kontratës si më poshtë ;

- **Për mjetet që shënohen në regjistra publikë, kur janë në pronësi, duhet të paraqitet :**
 - a) Dokumenti që vërteton pronësinë (çertifikatën e pronësisë së mjetit rrugor);
 - b) Dokumentin që vërteton regjistrimin e mjetit (leje qarkullimi);
 - c) Çertifikatën e kontrollit teknik të mjetit (SGS) e vlefshme
 - d) Siguracion (polica e sigurimit) i vlefshëm i mjetit;
 - e) Taksat vjetore të mjetit (e vlefshme)
 - f) Çertifikatë transporti nga njësia vendore për mjetet që duhet ta disponojnë sipas dispozitave në fuqi (i vlefshëm) (Per kamiocinen)
 - g) Foto të mjetit ku të dallohen qartë të dhënat specifike të tij
- **Për mjetet që shënohen në regjistra publikë, kur janë me qira, duhet të paraqitet:**
 - a) Kontrata e qerasë

- b) Dokumentin që vërteton regjistrimin e mjetit (leje qarkullimi);
 - c) Çertifikatën e kontrollit teknik të mjetit (SGS) (e vlefshme)
 - d) Siguracion (polica e sigurimit) i vlefshëm i mjetit;
 - e) Taksat vjetore të mjetit (e vlefshme)
 - f) Çertifikatë transporti nga njësia vendore për mjetet që duhet ta disponojnë sipas dispozitave në fuqi (i vlefshëm) (Per kamiocinen)
 - g) Foto të mjetit ku të dallohen qartë të dhënat specifike të tij
- Për mjetet që nuk shënohen në regjistrat publikë duhet të paraqiten dokumenta që vërtetojnë pronësinë apo marrjen me qira të tyre (**fatura tatimore blerje, akte ç'doganimi, kontrata noteriale për marrjen me qira**)
 - Për mjetet e transportit për mallrat të klasifikuara sipas legjislacionit në fuqi të rrezikshme, duhet të paraqesin çertifikatë për transport mallrash të rrezikshëm lëshuar nga institucionet përkatëse (e vlefshme).
 - Operatori ekonomik duhet të deklarojë vendodhjen e mjeteve, me qëllim verifikimi në çdo kohë prej Autoritetit Kontraktor deri në përfundimin e kontratës mjetet e pajisjet teknike të deklaruar sipas shtojcës së makinerive.
 - Operatori/et ekonomik ofertues duhet të deklarojë që të gjitha mjetet dhe pajisjet e përshkruara, do të jenë të angazhuara vetëm në këtë kontratë. **Mjetet të cilat rezultojnë të angazhuara në kontrata të tjera afati i zbatimit të cilave shtrihet përgjatë afatit të kontratës objekt i prokurimit janë shkak s'kualifikimi.** Autoriteti Kontraktor gëzon të drejtën të verifikojë dhe kontrollojë disponueshmërinë e këtyre mjeteve si gjatë vlerësimit të ofertave ashtu edhe gjatë zbatimit të kontratës.
 - Autoriteti Kontraktor ka të drejtë të kryejë verifikimet e nevojshme mbi vërtetësinë e informacionit të deklaruar nga operatori ekonomik si më sipër, ose t'i kërkojë operatorit sqarime dhe dokumente mbështetëse për këto sqarime, në përputhje me nenin 26, pika 7, të VKM nr.285, datë 19.05.2021, "Për Miratimin e Rregullave të Prokurimit Publik", i ndryshuar.

Kjo kërkesë do të quhet e përmbushur gjatë fazës së ofertimit me plotësimin e formularit të vetëdeklarimit sipas shtojcës 10 të DST. Bazuar në përcaktimet e nenit 26, pika 6, të VKM – së Nr. 285, datë 19.05.2021, i ndryshuar "Përpara publikimit të njoftimit të fituesit dhe nisjes së afateve të ankimit, autoriteti/enti kontraktor i kërkon ofertuesit të kualifikuar i pari, dorëzimin e dokumenteve provuese të parashikuara në shkronjat "a", "b", "d", "dh", "e", "h", "i", "j" të pikës 2 të këtij neni, si dhe dokumentet e tjera shoqëruese të ofertës, të dorëzuara në rrugë elektronike. Këto dokumente duhet të paraqiten në origjinal ose në kopje të njësuar me origjinalin".

II.3. Në nenin 24 të ligjit nr. 162/2020 "Për Prokurimin Publik", parashikohet se:

1. Komisioni i Prokurimit Publik është organi më i lartë administrativ në fushën e prokurimeve, që shqyrton ankesat për procedurat e prokurimit dhe kryen çdo detyrë tjetër që i ngarkohet me këtë ligj dhe akte të tjera ligjore brenda fushës së kompetencave të tij.
2. Komisioni i Prokurimit Publik është person juridik publik, i pavarur, që financohet nga buxheti i shtetit dhe i raporton Kuvendit.
3. Komisioni i Prokurimit Publik merr vendime për ankesat e paraqitura para tij dhe nxjerr interpretim për rregullat ose parimet ligjore, që duhet të zbatohen për objektin e ankesës, të cilat zbatohen për sa janë të vlefshme në vendimmarrjet e ardhshme. Në marrjen e vendimeve mban parasysh, përveç parimeve të përgjithshme të përmendura në nenin 3 të këtij ligji, edhe parimet e mëposhtme: paanshmërinë në shqyrtimin e ankesave, qëndrueshmërinë në vendimmarrje, ligjshmërinë, shpejtësinë dhe efikasitetin, aksesin, karakterin publik, si edhe parimin e kontradiktoritetit.

Ndërsa në nenin 82, Formulari përmbledhës i vetëdeklarimit, pika 2 dhe 5, po këtu, thuhet se: “[...] 2. Në çdo kohë gjatë procedurës, autoriteti ose enti kontraktor mund t’u kërkojë ofertuesve dhe kandidatëve sqarime dhe dokumente mbështetëse për këto sqarime, kur kjo është e nevojshme për të garantuar zbatimin korrekt të procedurës.” [...] 5. Në çdo rast, përpara se të japë kontratën, autoriteti ose enti kontraktor duhet t’i kërkojë ofertuesit fitues që të dorëzojë: a) dokumentet e paraqitura si pjesë e ofertës në rrugë elektronike, të cilat në kohën e dorëzimit pranë autoritetit kontraktor duhet të jenë në origjinal ose kopje të noterizuara të tyre; b) dokumentet mbështetëse në origjinal ose një kopje të noterizuar të tyre për vetëdeklarimet e dhëna.

II.4. Në nenin 115 “Trajtimi i ankesës nga Komisioni i Prokurimit Publik”, pika 1, gërma “c” të LPP-së, parashikohet si vijon: “1. Komisioni i Prokurimit Publik shqyrton ankesën e paraqitur, si dhe vendimin e autoritetit ose entit kontraktor, së bashku me dokumentet dhe shpjegimet shoqëruese, që mbështesin këtë vendim si më poshtë: [...] c) në rastet kur autoriteti ose enti kontraktor ka vendosur mos pranimin e ankesës.”

II.5. Në nenin 30 “Kompetencat e hetimit”, të Vendimit të Komisionit të Prokurimit Publik Nr. 766, datë 13.10.2021 “Për miratimin e rregullave për organizimin dhe funksionimin e Komisionit të Prokurimit Publik”, parashikohet:

“1. Komisioni heton të gjitha faktet dhe vlerëson të gjitha provat e paraqitura për zgjidhjen e çështjes duke përcaktuar në mënyrë të pavarur shtrirjen e hetimit administrativ, si dhe vlerëson kryesisht nëse një fakt apo një rrethanë është e nevojshme për zgjidhjen e çështjes. 2. Kur gjatë gjatë shqyrtimit të ankesave, Komisioni i Prokurimit Publik konsideron nevojën e provave/ekspertizave, kryesisht ka të drejtë të kërkojë ekspertizë nga palë të treta, apo të kryejë verifikime pranë organeve të tjera.”

II.6. Referuar pretendimeve të ngritura nga operatori ekonomik “Rej” SHPK për kapacitetet e ofruara nga operatori ekonomik “Korsel” SHPK në procedurën e prokurimit objekt ankimi (në ankesën e dorëzuar pranë autoritetit kontraktor dhe pranë Komisionit të Prokurimit Publik) dhe duke qënë se ky verifikim nuk mund të kryhet nga KPP në institucionet

përkatëse, ose në bazën e të dhënave shtetërore, për sqarimin e fakteve dhe pretendimeve të operatorit ekonomik ankimues, Komisioni i Prokurimit Publik i kërkon operatorit ekonomik “Korsei” SHPK, për verifikim, dokumentacionin origjinal ose kopje e noterizuar e tyre, lidhur me plotësimin e kërkesave të autoritetit kontraktor, parashikuar në kriteret si më sipër cituar, në përputhje me nenet 82 dhe 115 të LPP-së.

Për sa më sipër, në mbështetje të neneve 24 e në vijim të ligjit nr. 162/2020 “Për Prokurimin Publik”, Vendimit të Këshillit të Ministrave nr. 285, datë 19.05.2021 “Për miratimin e rregullave të prokurimit publik”, i ndryshuar, Vendimi i Komisionit të Prokurimit Publik Nr. 766, datë 13.10.2021 “Për miratimin e rregullave për organizimin dhe funksionimin e Komisionit të Prokurimit Publik”, Komisioni i Prokurimit Publik, njëzëri,

Vendos

1. Të urdhëroj paraqitjen e dokumentacionit origjinal ose kopje e noterizuar e tyre, nga ana e subjektit “Korsei” SHPK, në përmbushje të kërkesave të autoritetit kontraktor, të parashikuara në kriteret e vecanta të kualifikimit të dokumentave të procedurës së prokurimit “Procedurë e hapur, mbi kufirin e lartë monetar”, me Nr. REF-58215-08-15-2025, me objekt “Shërbimi i pastrimit të njësisë Oriku”, me fond limit 27,910,435 (njëzet e shtatë milion e nëntëqind e dhjetë mijë e katërqind e tridhjetë e pesë) lekë pa TVSH ose 287,085.32 (dyqind e tetëdhjetë e shtatë mijë e tetëdhjetë e pesë pikë tridhjetë e dy) euro pa TVSH, sipas kursit zyrtar të Bankës së Shqipërisë datë 15.08.2025 ku 1 Euro këmbëhet me 97.22 lekë, zhvilluar me datë 22.09.2025 nga autoriteti kontraktor, Bashkia Vlorë.
2. Ky dokumentacion të paraqitet pranë Komisionit të Prokurimit Publik brenda datës 26.11.2025.

Ky vendim hyn në fuqi menjëherë.

KOMISIONI I PROKURIMIT PUBLIK

Anëtar
Kreshnik Ternova

Anëtar
Gjergj Mersini

Anëtar
Anila Malaj

Nënkryetar
Fiorent Zguro

